

Supervizor poziva na formiranje koncentracione vlade u Brčko Distriktu



Supervizor za Brčko Distrikt dr Raffi Gregorian pozvao je na formiranje “koncentracione vlade” u Brčkom nakon što je na konstitutivnoj sjednici Skupštine Brčko Distrikta ponovno odloženo glasovanje o izboru predsjednika Skupštine, zamjenika predsjednika Skupštine i gradonačelnika Distrikta. Supervizor je uputio poziv nakon što je informiran da su svi zastupnici potpisali deklaraciju kojom se izražava potpora odlukama Arbitražnog Tribunala za Brčko i u kojoj se poziva Parlamentarna skupština Bosne i Hercegovine da usvoji dodatke na Ustav neophodne kako bi se okončala supervizija.

“Vjerujem da su potpisivanjem ove deklaracije sada otklonjene dileme koje su neke stranke možda sprječavale u formiranju legitimne vlade,” izjavio je supervizor Gregorian. Razgovori o različitim vladajućim koalicijama koji su se vodili od 05. listopada 2008. godine, nisu odveli nikuda. “Stoga, pozivam sve stranke da se intenzivno angažiraju na formiranju “koncentracione vlade” koja će biti u stanju da izađe na kraj sa brojnim izazovima koji očekuju Distrikt,” on je izjavio nakon sastanka sa nosiocima lista ključnih stranaka u Skupštini. “Nema vremena za gubljenje” naglasio je on.

Supervizor je iskoristio ovu prigodu da podsjeti sve stranke da bi bilo najbolje da Skupština imenuje nove, po mogućnosti mlađe ljude na izvršne pozicije u Vladi, ljude koji su pokazali stručnost u područjima rada za koja bi bili predloženi za imenovanje.

Povodom same sjednice, supervizor je iznio kritike u pogledu neopravdanog odlaska nekoliko zastupnika i privremenog

predsjedavajućeg, poteza kojim se iskazuje nepoštivanje prema kolegama zastupnicima i koji je u suprotnosti sa kodeksom ponašanja Skupštine Distrikta. "Od zastupnika svih stranaka očekujem da se ponašaju sukladno svojim zakonskim obvezama i da iskažu poštivanje i uljudnost prema svojim kolegama bez obzira na političku opciju kojoj oni pripadaju", izjavio je supervizor Gregorian.